



UNIVERSITÄTS-
BIBLIOTHEK
PADERBORN

Micrologvs|| De Ecclesiasticis|| Observationibvs.||

Bernoldus <Constantiensis>

Antverpiæ, 1565

60. De officio Sanctæ Trinitatis

[urn:nbn:de:hbz:466:1-63426](https://nbn-resolving.org/urn:nbn:de:hbz:466:1-63426)

repetere, si tamen eo anno usque in ad-
 uentum Domini plures hebdomadae fue-
 rint. Sin autem, officio, Domine in tua,
 sole feriae sufficiant, Sicut cuilibet Domi-
 nicali officio feriae sufficiunt, cuius Do-
 minicam aliquod celebre officium occu-
 pauit.

De officio Sanctae Trinitatis.

CAP. LX.

10

Rupertus sua
 etate festum
 Trinitatis cele-
 brat. G. etiam
 Durantus non
 obstante hac co-
 stitutione Ale-
 xandri, contra
 Arrianos insti-
 tutum docer,
 unde & a nobis
 celebrandum.

QVIDAM autem officium de san-
 cta Trinitate, in octaua Pentecostes insti-
 tuunt, licet non sit Alleluyatum, quod & per
 totam subsequentem hebdomadam obseruan-
 dum putant, sed non est authenticum. Unde 15
 pia memoriae Alexander papa de hac re
 inquisitus respondit, iuxta Romanum or-
 dinem nullum diem specialiter ascribi
 debere solemnitati sanctae Trinitatis, si-
 cut nec sanctae unitatis, praecipue cum in 20
 omni Dominica imò quotidie utriusque
 memoria celebretur. Sciendum autem
 quendam Albonium magistrum Karoli
 rogatu sancti Bonifacii Archiepiscopi, ut
 aiunt, Missales orationes de Sancta Tri- 25
 nitate composuisse, & in secunda feria de
 sapientia, In tertia de spiritu sancto, In
 quarta

quarta de caritate, In quinta de angelis,
 In sexta de Cruce, In sabbatho de sancta
 Maria. Et hoc ideo vt presbyteri illius tē-
 poris nuper ad fidem conuersi, nondum
 5 ecclesiasticis officijs instructi, nondum e-
 tiam librorum copia præditi, vel aliquid
 haberent cum quo officium suum quali-
 bet die possent explere. Vnde & adhuc
 quidam easdem orationes quotidie etiã,
 10 cū proprio abundant officio, nolunt præ-
 termittere. In singulis quoque hebdoma-
 dibus, sexta feria de Cruce, & sabbatho
 De sancta Maria pene vsquequaque ser-
 uatur, non tam ex auctoritate quàm ex
 15 deuotione. Sicut enim huiusmodi obser-
 uationes nulli magis hebdomadæ quàm
 alij ascribuntur, ita nihilominus & illa
 de sancta Trinitate. Incongruum ergo vi-
 detur vnã Dominicam cum orationi-
 20 bus Albini, & cantu Stephani De sancta
 Trinitate celebrari. Cùm omnes Domi-
 nicæ authenticæ abundant officijs, quæ
 non minus nobis intimât honorem san-
 ctæ Trinitatis. Præfatione autem de san-
 25 ctâ Trinitate quam in diebus dominicis
 frequentamus, non ex Albino, sed ex Ro-
 mania auctoritate suscepimus. Nam hæc
 I 2 est

Stephani hunc
 etiam officium
 composuisse de-
 Inuent. S. Ste-
 phani, testatur
 G. Durantus.
 Vocat ille La-
 diensem alij
 Leodiensem
 episcopum.

Præfatio de
Trinitate cum
alijs nouem cō-
posita à Pelagio
papa 11.

Albinus Orati-
onum Grego-
rianarum colle-
ctor.

est vna ex illis nouem, quas solas Pelagius
Papa antecessor Gregorij constituit ob-
seruari. Fecit tamē idem Albinus in san-
cta ecclesia non cōtemnēdū, nam Grego-
rianas orationes in libris sacramentorum 5
collegisse asseritur, paucis alijs adiectis,
quas tamen sub obelo notandas esse in-
dicauit. Deinde alias orationes siue præ-
fationes, etsi non Gregorianas, ecclesiasti-
cæ tamen celebritati idoneas collegit, si- 10
cut prologus testatur, quas post Grego-
rianas orationes, in medio eiusdem libri,
collocauit.

De concordia & ordine officiorum. 15

CAP. LXI.

Officiorum cō-
cordia confun-
ditur intercala-
tione Domini-
carum vacan-
tium.

SCIENDVM autē quod sanctus Gre-
gorius, ita ecclesiastica ordinauit officia,
vt prima oratio in Missa, officio, lectioni
& euangelio semper concordet; sicut in 20
omnibus solemnitatibus comprehendendi
potest. Sed hanc concordiam in æstuali-
bus Dominicis illi maximè confundunt,
qui vacantium Dominicarum orationes
incongruē assumunt. Verbi gratia, vt illa 25
orationem. Deprecationem, quæ etsi in
octaua Pentecostes post ieiunium qua-
tuor